

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
*Komisija za jednakopravnost spolova/
Povjerenstvo za jednakopravnost
spolova*



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ПАРЛАМЕНТ ФЕДЕРАЦИЈЕ
ПРЕДСТАВНИЧКИ ДОМ
Комисија за једнакоправност сполова

BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Broj: 01/10-02-929/25
Datum: 28.04.2025. godine

**PREDSTAVNIČKOM DOMU
PARLAMENTA FEDERACIJE BiH**

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 28-05-2025			
Org. jed.	Broj	Priloga	Vrijednost

Komisija za jednakopravnost spolova Predstavničkog doma Parlamenta Federacije BiH (u daljnjem tekstu: Komisija) na 20. sjednici, održanoj 28.04.2025. godine, razmatrala je sljedeći dnevni red:

1. Presentacija i usvajanje zaključaka sa zajedničke Tematske sjednice "Izrada politika i mjera koje pomažu ravnoteži između porodičnih i karijernih ciljeva"
2. Prijedlog Zakona o izmjenama i dopunama Krivičnog zakona Federacije BiH,
3. Nacrt Programa rada Predstavničkog doma Parlamenta Federacije BiH za 2025. godinu,
4. Program rada Vlade Federacije BiH za 2025. godinu,
5. Tekuća pitanja.

Na osnovu člana 44. a u vezi sa članom 66. Poslovnika Predstavničkog doma Parlamenta Federacije Bosne i Hercegovine, Komisija Predstavničkom domu podnosi sljedeći:

IZVJEŠTAJ

Ad - 1. Presentacija i usvajanje zaključaka sa zajedničke Tematske sjednice "Izrada politika i mjera koje pomažu ravnoteži između porodičnih i karijernih ciljeva"

Predsjednica Komisije dala je uvodne napomene i kratko obrazloženje o zajedničkoj tematskoj sjednici Komisije sa Odborom za ekonomsku i finansijsku politiku te Odborom za rad i socijalnu zaštitu koja je održana u Tarčinu, 10. marta 2025.godine. Predsjednica je konstatairala da su putem e maila svi članovi i članice dobili prijedlog zaključaka, te otvorila diskusiju. Budući da nije bilo prijavljenih za diskusiju, konstatirano je da će Komisija dati podršku predloženim zaključcima koji se odnose na uvođenje fleksibilnog radnog vremena, roditeljskog odsustva i jasnije definisanje prava za dojenje a koji se odnose na Zakon o radu u Federaciji BiH.

Ad - 2. Prijedlog Zakona o izmjenama i dopunama Krivičnog zakona Federacije BiH

Predsjednica Komisije je pozvala ovlaštenu predstavnicu Federalnog ministarstva pravde da u detaljnim crtama predstavi bitne odredbe i suštinu izmjena i dopuna Krivičnog zakona Federacije BiH u odnosu na raniji tekst koji je povučen iz procedure. Nakon obrazloženja ovlaštene predstavnice Federalnog ministarstva pravde, Komisija jednoglasno podržava usvajanje Prijedlog Zakona o izmjenama i dopunama Krivičnog zakona Federacije BiH.

Ad-3. Nacrt Programa rada Predstavničkog doma Parlamenta Federacije BiH za 2025. godinu

Predsjednica je konstatirala da su svi imali priliku da daju svoje prijedloge i sugestije na Nacrt Programa rada Predstavničkog doma Parlamenta Federacije BiH. Također, je istakla da Komisija nije davala svoje prijedloge iz razloga što je ranije zauzela stav da će u toku 2025. godine godine imati fokus na Zakonu o zaštiti od nasilja u porodici i nasilja prema ženama, te Prijedlogu Zakona o izmjenama i dopunama Krivičnog zakona Federacije BiH. Zatim se članovima Komisije obratio direktor Gender centra Federacije BiH koji je istakao potrebu nastavka intenzivne saradnje sa Komisijom posebno na aktivnostima zajedničkog praćenja provedbe Zakona o zaštiti od nasilja u porodici i nasilja prema ženama, odnosno donošenje podzakonskih akata. Nakon diskusije, Komisija je jednoglasno podržala usvajanje Nacrta Programa rada Predstavničkog doma za 2025. godinu.

Ad -4. Program rada Vlade Federacije BiH za 2025. godinu

Predsjednica Komisije pozvala je ovlaštene predstavnike predlagača da detaljnije obrazlože Program rada Vlade Federacije BiH za 2025. godinu. Članovima Komisije obratili su se predstavnici Federalnog zavoda za programiranje razvoja. Nakon obavljene diskusije, članovi Komisije primili su k znanju Program rada Vlade Federacije BiH za 2025. godinu.

Ad -5. Tekuća pitanja

Za diskusiju po ovoj tački dnevnog reda nije bilo prijavljenih.

U skladu sa članom 53. Poslovnika Predstavničkog doma za izvjestiteljicu je određena Alma Kratina, predsjednica Komisije.

PREDSJEDNICA KOMISIJE

Alma Kratina